

21 - ke nashr

gys

2 - 2-52
2-avg 2013

www.tongyulduzi.uz

Vatan yagonadir,
Vatan bittadir!

Tong Yulduzi



2013-yil
7-yanvar
№1
(66906)

Gazeta 1929-yil 1-avgustdan chiqa boshlagan

O'zbekiston Respublikasi bolalar va o'smirlar gazetasi

ISSN - 2010-6092

**PORLAR KO'RKAM ARHAMIZ,
ZAVQQA TO'LOIK BARCHAMIZ!**

Kavsar **TURDIYEVA**,
bolalar shoirasi

TURMUSH BO'LSA OBODON...

Qanday ma'no betakror,
Obodlik so'zida bor?!
Yuksalish hamda yashnash,
Go'zallik ichra yashash.

Unda beg'ubor osmon,
Atrof yorqin, charog'on.
Qalblarda ezgu niyat,
Ko'tarinki kayfiyat.

Bunda barcha bunyodkor,
Intilganga tole yor.
Insonga berar quvvat,
Mehr bilan oqibat.

Nur porlaydi dillarda,
Iqbol esa qo'llarda.
Hamma sog'lom, yurt omon,
Turmush bo'lsa obodon.

**KO'NGILLARDA
OBODLIK ZAVQI**

2-bet

YIL BOSHII

4-bet

**VATAN
ALIFBOSI**

6-bet

Sh.MAMMADOV kashfi

KO'NGILLARDA OBODLIK ZAVUQI

**Aziz o'quvchilar, bilimdon, zukko, zakiy o'g'il-qizlar!
Oppoq, oydin maqsadlar, sof, samimiy ezgu tilaklar ila Sizlar
bilan yana diyorlashib turganimizdan behad mamnunmiz.**

Aytishlaricha, Yangi yilni kim qanday qarshi olsa, ana shu kayfiyat yil davomida unga hamroh bo'larekan. Biz yangi yilni ajoyib xushxabar bilan, xursandchilikda kutib oldik: gazetamizning qo'lingizdagi 2013-yilgi ilk soni 85.939 nusxada chop etildi. Demak, mazkur yilimiz ham quvonch-u shodliklarga to'ladi, ishimizda unum bo'ladi. Bu nima degani? Bu sevimli nashringiz «Tong yulduzi» bu yil yurtimizdagi to'qson mingga yaqin o'g'il-qizning xonadoniga kirib borib, ularni ma'naviyat, ma'rifat ziyosidan bahramand qiladi, degani. Bu yangi yilda yanada ko'proq tengdoshlaringiz bilan do'stlashasiz, ular hayotiga oid yangiliklardan, qo'lga kiritayotgan yutuqlaridan voqif bo'lib, ibrat olishga intiliasiz, degani. Qolaversa, gazetamizda maqolangiz, suratingiz yoki biror ijod namunangiz chop etilsa, uni shuncha o'quvchi o'qiydi, ko'radi, degani.

Buning uchun Sizdan, fidoyi ustozlaringizdan, ma'naviyatli ota-

onalaringizdan behad minnatdormiz!

Ayniqsa, bu jarayonda bizdan beminnat yordamini ayamangiz marg'ilonlik eng faol muxbirimiz, mehnat faxriysi Muhammadjon ota Mahmudovga, shuningdek, Namangan shahridagi 2-maktab-internati, poytaxtimizning Bektemir tumanidagi 289- va Shayxontohur tumanidagi 254-umumta'lim maktablari rahbariyatiga alohida tashakkurimizni bildirmoqchi edik.

O'z navbatida tahririyat xodimlari ham ishonchingizni oqlashga astoydil harakat qiladi. Barcha sahifalari rangli, mazmunli, mavzusi rang-barang, qiziqarli gazeta o'qishni kim ham xohlamaydi deysiz?!

Shunday ezgu maqsadlarda yangi-yangi ruknlar, tanlovlar tashkillashtirishni rejalashtiryapmiz. Barchangizni «Obod turmush yili»ga bag'ishlangan «Yurt ozod, turmush obod» nomli insholar, fotosuratlar va rasmlar tanloviga chorlaymiz. Shuningdek, an'anaviy



tarzda o'tkazib kelinayotgan «Onajonim tabiat», «Kim ko'p kitob o'qiydi?», «Mustaqillik madhi bolalar ijodida» kabi insholar va rasmlar tanloviga ham taklif etamiz. «Onam mening sirdoshim», «O'g'il bola – mard bola», «Bu kitobni o'qing», «Bizning tarjimon» kabi yangi ruknlarimiz ham sizga muntazir. Sevimli adiblaringizning «tandirdan yangi uzilgan» hikoya va qissalari, she'rlaridan o'qiysiz, jahon bolalar adabiyoti durdonalaridan bahramand bo'lasiz.

Biz «Obod turmush yili»ga shunday rejalar bilan qadam qo'ydik. Xo'sh, Sizning rejalaringiz qanday? Bu yil

qanday cho'qqilarni zabt etmoqchisiz? Turmushimizning yanada farovon bo'lishiga qanday ulush qo'shmoqchisiz? Shular xususida, qolaversa, gazetamiz sahifalari orqali yana nimalar o'qish istagida ekanligingiz haqida bizga, albatta, yozib yuboring.

Fursatdan foydalanib, barchangizni yana bir bor Yangi yil bilan muborakbod etamiz. Ko'ngillardan boshlangan obodlik xonadonlar, mahallalar, shahar-u qishloqlarimiz bo'ylab yoyilsin.

Yangi yil yurtimizga yanada obodlik olib kelsin!

Feruz JALILOVA

KITOB SO'RAGAN BOLA

Qishki ta'til kunlarida pag'a-pag'a qor yog'ishini orzu qilmaydigan o'quvchi bo'lmasa kerak. Bu yil ham bolajonlar orzusi ijobat bo'ldi. Ta'til arafasida yoqqan oppoq qor ular qalbini quvonchga to'ldirdi. Bunday paytlarda chanada miriqib uchish, yaxmalak otib, qorbo'ron o'ynashga nima yetsin?!

Ta'tilning ilk kunlarida ayvoni darazasidan hovlida Qorbobo yasayotgan, chana sudrayotgan bolajonlarni uzoq tomosha qildim. Bunday paytda kishi beixtiyor bolaligini eslab ketadi. Xayolga berilib, eshik qo'ng'irog'i ketma-ket chalanganini ham sezmay qolibman. Shoshib borib ochdim. Eshik oldida qo'shnimizning 7-sinfda o'qiydigan o'g'li Sohibjon turardi. To'ppa-to'g'ri ko'chadan kelayapti shekilli, ikki yuzi qip-qizil. Salomlashib, uyga taklif qildim. Sohibjon avvaliga biroz iymandi, keyin esa asta ichkariga kirdi.

– Amaki, bolalarbop kitoblaringizdan uch-to'rtta berib turing. Ta'til kunlarida o'qimoqchi edim.

Uning iltimosidan quvonib ketgan bo'lsam-da, ajablangandek so'radim:

– Ta'tilda mazza qilib dam olmaysanmi?

– Dam olishga ham fursat yetadi. Sinfdoshim Yo'ldosh bilan



2013-yilda kim ko'p kitob o'qishdan bahs boylaganmiz.

Rost gap. Sohibjonning tashrifidan xursand bo'ldim. Yangi yilni kitob o'qish bilan boshlayotgani qanday yaxshi! Beixtiyor tahririyatga kelgan bir xat yodimga tushdi.

Andijon viloyati, Jaloquduq tumanidagi 21-maktabning 5-sinf o'quvchisi Maftuna Obabakirovaning «Kitob – mening do'stim» tanloviga yozgan inshosidagi ushbu satrlar diqqatimni tortgandi o'shanda: «Bozorga borsak, birinchi navbatda kiyim-kechak rastasiga emas, kitob do'koniga kirishimiz kerak». Yosh o'quvchi qizning teran fikrlari har qanday kishini to'lqinlantirib yuborishi shubhasiz. Mamlakatimizda yoshlar ma'naviyatini yuksaltirish yo'lida keng qamrovli ishlar olib borilmoqda. Yosh-u qarining qalbida bugungi kundan shukronalik tuyg'usi jo'sh urmoqda.

O'quvchi do'stim! 2013-yilni ham qarshi oldik. Tengdoshlaringiz Sohibjon va Maftunalar kabi siz ham Yangi yilni ko'p kitob o'qish, yangi-yangi yutuqlarga intilish kabi ezgu-niyatlar bilan boshlang. «Obod turmush yili»miz muborak bo'lsin!

I. ABDULLAYEV

DIQQAT, YANGI TANLOV!

Itiqatol yillarida Prezidentimiz tashabbusi bilan yurtimizda har bir yilni biror nom bilan atash ibratli an'anaga aylandi. 2013-yilning o'tgan yillarimizning mantiqiy davomi sifatida «Obod turmush yili» deya nomlanishini barehamiz mamnuniyat bilan qarshi oldik.

Bunday ezgu amallarning mazmun-mohiyatini yoshlarimiz ongiga chuqurroq singdirish, jamiyatning poydevori bo'lmish oilalarimizni, demakki, yurtimizni yanada obod qilishdek xayrli ishlarga ularni kengroq jalb qilish maqsadida

«YURT OZOD, TURMUSH OBOD» INSHOLAR, FOTOSURATLAR VA RASMLAR TANLOVINI E'LN QILAMIZ

Tanlov shartlari quyidagilardan iborat:

1. Tanlovga yuborilgan insholar hajmi ikki qog'ozdan oshmasligi shart.
2. Fotosuratlar raqamli fotoapparatda olingan, rasmlar tiniq, yorqin rangli bo'yoqlardan foydalangan holda chizilgan bo'lishi kerak.
3. Ishtirokchining ismi-sharifi, manzili, maktabi, telefon raqami ko'rsatilishi shart. Fotosurati ham ilova qilinsa, maqsadga muvofiq bo'ladi.

Tanlov 2013-yil 8-dekabr – Konstitutsiyamiz bayrami arafasida yakunlanadi.

Ijodiy ishlar quyidagi manzilga yuborilsin:

Toshkent shahri, Navoiy ko'chasi, 30-uy.

Indeks: 100129.

Xatjild ustiga «Yurt ozod, turmush obod» tanloviga deb yozib yuborishni unutmang. Shuningdek, ijod namunalari gazetamizning internetdagi tona1924@bk.ru elektron pochta orqali ham qabul qilinadi.



Tanlovga marhamat!

ISTE'DODLAR - YURTIMIZ ERTASI

- Hoy, bolakay! Siz, barmoqlarini o'ynayotgan, nima qilaysiz?
 - O'tgan yili erishgan yutuqlarimni sanayapman...
 - Qani, qanday yutuqlarga erishdingiz, biz ham eshitaylik-chi...
 - Chorak baholarim besh bo'ldi. Yettita kitob o'qidim. «Bilimlar bellashuvi»ning viloyat bosqichida g'olib bo'ldim...
 - Barakalla, bir yil vaqtingiz behuda o'tmabdi. Bilasizmi, siz uchun omadli kelgan 2012-yil farg'onalik tengdoshlaringiz uchun ham juda yutuqlarga boy bo'ldi. Qay biri bilan suhbatlashmay, yutuqlarini sanab, faxrlanishmoqda. Keling, bu omadli bolalarning quvonchlariga biz ham sherik bo'lamiz.


Mansurjon MAMASIDDIQOV,
 Buvayda tumanidagi 25-maktabning 6-sinf o'quvchisi:

- Bolaligimdan tabiatga, o'simlik va hayvonot olamiga qiziqaman. Bu yil sevimli fanim - botanikadan «Bilimlar bellashuvi»da qatnashib, uning viloyat bosqichida 1-o'rinni qo'lga kiritdim. Ustozim Gulchehra opa Sultonovaning ishonchini oqlaganimdan baxtiyorman.



Roziya IBROHIMOVA,
 Marg'ilon shahridagi 25-maktabning 8-sinf o'quvchisi:

- 2012-yil men uchun unutilmas yil bo'ldi. «Yangi avlod» bolalar ijodiyoti festivalining viloyat bosqichida faxrli natijalarni qo'lga kiritdim. She'riy mashqlarim viloyat, respublika nashrlarida chop etildi. Shahrimizdagi «Jahon otin Uvaysiy» hamda viloyat yozuvchilar uyushmasi qoshidagi «Oltin qalam» adabiy to'garaklari a'zosi bo'ldim. Xullas, nurlil kelajagimni bunyod etishimda bu yilning o'rni katta bo'ldi.



Begzod ABDUG'ANIYEV,
 Rishton tumanidagi 2-maktabning 5-sinf o'quvchisi:

- To'rt yildan buyon sportning erkin kurash turi bilan shug'ullanaman. 2010-2011-yillarda Samarqand, Buxoro, Toshkentda bo'lib o'tgan turli nufuzli musobaqalarda g'oliblar safidan joy oldim. Yakunlangan yilda esa tumanimizda 2001-2002-yillarda tug'ilgan bolalar o'rtasidagi chempionatda, Abdulaziz ota Nabiyev xotirasiga bag'ishlangan viloyat turnirida 1-o'ringa sazovor bo'ldim. Mustaqilligimizning 21 yilligiga bag'ishlab o'tkazilgan viloyat birinchiligida 2-o'rinni, Madaniyat va sport ishlari vazirligi tomonidan o'tkazilgan respublika turnirida 26 kg. vazn toifasida 3-o'rinni, respublika kurash musobaqalarida ham 3-o'rinni egalladim. So'z berib aytamanki, muvaffaqiyatlarim mazkur yilda ham davom etadi.

Donodil SUBHONIDDINOV,
 Rishton tumanidagi 2-maktabning 8-sinf o'quvchisi:

- Men rasm chizishga qiziqaman. Maktabimizdagi «Yosh rassomlar» to'garagida ustozim Bahodirjon Hikmatovdan rassomlik sirlarini chuqur o'rgandim. Tumanimizda tashkillashtirilgan ko'rgazmada qatnashdim. O'sha kunlari tumanimizga germaniyalik mehmonlar tashrif buyurishgan ekan. Ular ijod namunalarimdan birini yoqtirib qolib, dastxat qo'yib, sovg'a qilishimni so'rashdi. Mening boshim osmonga yetdi.




Ayubxon NAZAROV,
 Qo'qon shahridagi 1-musiqi va san'at maktabi o'quvchisi:

- Bu yilgi «Yangi avlod» bolalar ijodiyoti festivalida «Qorako'zim» deb nomlangan guruhimiz bilan g'olib bo'ldik. Diplomni esa sevimli san'atkorimiz Munajat Yo'lchiyeva qo'llarimni qattiq siqib topshirganlarida, yanada to'lqinlanib ketdim.

Yangi yilda ham intilish, o'qib-o'rganishdan to'xtamayman.

Intilganga hamisha tole yor bo'ladi, deyishadi. Siz-u bizga ko'rsatilayotgan imkoniyat va e'tibor yetarli ekan, yangi yilda yangi zafarlar sari intilaveraylik!

Sohibjon HOTAMOV,
 Farg'ona shahridagi Yormazor akademik litseyi o'quvchisi

ENG YAXSHI SOVG'A

Yaqinda sevimli yozuvchimiz Xudoyberdi To'xtaboyevning tavallud ayyomlariga bag'ishlangan kechada ishtirok etish baxti menga ham nasib etgandi. Atoqli adibimiz bizga sovg'a qilgan «Peshonasiga televizor yopishgan bolaning sarguzashtlari» nomli kitobini ta'tilda mazza qilib o'qidim. Kelajakda bobomizdek yozuvchi bo'lishni dilimga tugdim.

Mahbuba QO'LDOSHEVA,
 Toshkent shahar, Chilonzor tumanidagi 281-maktabning 9-sinf o'quvchisi



YANGI TANLOVLAR BO'LSA...

Sevimli gazetamning 2012-yilgi sonlari bir javon bo'ldi. Endilikda gazetaning yangi sonlarini kutar ekanman, uning sahifalaridan yangi tanlovlar o'rin olishini istayman. Ayniqsa, menga «Pazanda qizga!» sahifasi juda yoqadi. Bo'sh vaqtimizga mazmun bag'ishlayotgan tahririyat xodimlarini kirib kelgan Yangi yil bilan tabriklayman!

Hilola SAIDOVA,
 Jizzax viloyati, Jizzax tumanidagi 10-maktabning 7-«V» sinf o'quvchisi



TILAK

Onamga umr ber,
 Chinor umridek.
 Mehriqona qonaylik,
 Erka qumridek.

Onamga quvonch ber,
 Shodlanib yursin.
 Farzandlar baxtidan,
 Nigohlar kulsin.

Meni qo'llab yursin,
 Onam duosi.
 Yo'limni yoritsin,
 Mehri ziyosi.

Asrorbek TURDIQULOV,
 Toshkent viloyati,
 Bekobod tumanidagi 8-umumta'lim maktabi o'quvchisi



Qadrlil o'quvchilar! Mana, yangi – 2013-yilni ham boshlab yubordik. Umid qilamizki, bu yilni yangi fikrlar, yangi rejalar bilan kutib oldingiz. Zero, yil boshida puza tuzilgan rejalar yil davomida yo'lingizni raovon qilib, dilingizni xushnud etishi shubhasiz. Yil boshi – yo'l boshi, deb bejizga aytilmaganda, azir.


YIL BO'SHI

Siz – bugunning yoshlariga kitob o'qi, dars qil, til o'rgan, deyshning zarurati yo'q, nazarimda. O'zbekiston Qahramoni, O'zbekiston Xalq shoiri Erkin Vohidov aytganidek, «Bugungi yoshlarga til o'rganing desam, xuddi suv iching, nafas olib turing, degandek bo'laman, chunki til bilish hayotiy zaruratga aylandi».

O'zbekiston Respublikasi Prezidentining 2012-yil 10-dekabrda «Chet tillarni o'rganish tizimini yanada takomillashtirish chora-tadbirlari to'g'risida»gi qaroriga ko'ra, respublika-mizning barcha hududlarida chet tillarni, asosan, ingliz tilini o'rganish umumta'lim maktablarining 1-sinflaridan o'yin tarzida, og'zaki nutq darslari shaklida, 2-sinfdan boshlab esa alifbo, o'qish va grammatikani o'zlashtirishdan bosqichma-bosqich boshlanishi belgilangan.

Zotan, til bilgan – el biladi, bir tilni bilgan bir inson, ikki tilni bilgan ikki inson. Shu o'rinda yana Erkin Vohidovning bundan bir necha yil avval xorijiy davlatga ish bilan borganlari, u yerda til bilmaganlaridan o'zlarini haykalga o'xshatib yuborganlarini aytish joiz.

«Safardan olganim o'sha achchiq saboq bo'ldi. Ingliz tilini o'rganishga qat'iy ahd qildim va ahdimni andakkina bo'lsa-da, bajardim. O'sha «andak» olis yo'llarda kunimga yaradi. Duduq bo'lsam-da, soqov bo'lmadim»,



deb yozibdilar kuni kecha matbuotda e'lon qilingan maqolalarida.

Biz-ku xorijiy tillarni o'rganyapmiz, xorijda ham bizning tilimizni o'rganishyaptimi, deysizmi? Albatta! Yaqinda Mustaqillik tengdoshi o'g'lim Alisher bilan bog'liq bo'lgan bir voqeani so'zlab beray: o'g'lim ish yuzasidan yaponiyalik mehmonlar bilan muloqot qilayotganda, avvaliga, ingliz tilida so'z boshlagan. Ular

biz ingliz tilini bilmaymiz, degandek yelka qisishgan, shundan so'ng rus tilida murojaat qilgan, yana o'sha holat. Alisher yapon tilini o'rganmagani afsuslanib turgan lahzada ulardan biri «Biz o'zbekcha bilamiz», deya vaziyatga oydinlik kiritgan. Buni qarangki, O'zbekistonga kelgan yaponiyaliklar ingliz, rus tilini bilmas, ammo o'zbek tilini o'rganishayotgan yosh olimlar ekan. Shu voqea sabab, u xorijliklar bilan muloqotni dastlab o'zbek tilida boshlayotganini aytdi. Bugungi kunda o'g'il-qizlarimiz o'z iqtidorlarini butun

dunyoga ko'z-ko'z qilishmoqda. Sport sohasida deysizmi, san'atdami, ilmdami, barcha-barcha sohada yutuqlari maqtovga arzigudek. Zero, o'z diyorini gullatganning baxti ham gulga burkanadi.

Barcha ezgu orzularingiz, rejalaringiz 2013-yilda ijodat bo'lsin! Yangi yilingiz muborak bo'lsin!

Feruz SOYIBJON qizi

VATAN SUVRATI

«Yangi avlod» bolalar ijodiyoti festivalining tuman bosqichida vokal yo'nalishi bo'yicha ishtirok etib, faxrli 1-o'rinni qo'lga kiritdim. Shu yo'nalish bo'yicha viloyat bosqichida sovrindor bo'lib qaytdim. Oila a'zolarim xursandchiligini ko'rib, bir quvonchimga o'n quvonch qo'shildi. Shu kuni kundalik daftaringa «Oilamga quvonch baxsh etgan oydin kunim», deya qayd etib qo'ydim.

Maktabimizda bo'lib o'tgan Konstitutsiyamizning 20 yilligiga bag'ishlangan tanlovda «Konstitutsiya – baxtimiz poydevori» mavzusidagi inshom 1-o'ringa loyiq topildi. Bu sanani ham kundaligimga belgilab qo'ydim: «Oydin kunlarimning davomi».

O'ylab ko'rsam, aslida o'tayotgan har bir tinch va osuda kunimiz oydin kunimiz ekan. Har kunimiz bayram, har bir daqiqamiz quvonch-u shodliklarga to'la. Tengdoshlarim qatorida shunday ozod va obod yurt farzandi ekanligimdan faxrlanib, ustozlarim, ota-onam, Vatanim ishonchini oqlashga intilib yashamoqdaman. Ushbu nurafshon kunlarda qalbmida jo'sh urayotgan dil izhorlarimni birgina maqolamda bayon etishga ojizman, biroq eng ezgu tilaklarimni orzularim qanotida yo'llamoqchiman:

– Onajonim, yurtim! Sening bag'ringda orzu havasga to'lib, o'tayotgan har bir quvonchli kunimga shukrona aytaman. Bir Vatan bo'lsa, shunchalik bo'lar: oila va mahallalari tinch, farovon, bozorlari to'kin-sochin, yoshlari bilim va mahoratda dunyo bilan bellashib tillashayotgan, serquyosh, tuprog'i zar, havosi musaffo! Bunday yurt yana qayda bor, aziz tengdoshim?!

Shunday obod Vatan suvratini ko'zimizga surtaylik, qalbmizga muhrlaylik. Ko'ngil – obodlik manzili, deydilar.

Bu manzillarga hech qachon yomon illatlarning qadami yetmasin.

Og'abek
IBODULLAYEV,
Buxoro viloyati,
Shofirkon
tumanidagi
50-maktabning
7-sinf o'quvchisi

QO'SHIG'IDA YURT MADHI



Maktabda musiqa ustози Bahoroy Davlatovadan olgan saboqlari, musiqa

maktabidagi ustoz Abdulla Xoliqulovning o'g'itlari uni musiqaning sehirli olamiga yetaklab, sir-u sinoatlaridan boxabar qildi. Shahzodbekdagi iste'dodni o'z vaqtida payqagan Angren shahar Alisher Navoiy nomli madaniyat markazi badiiy rahbari Rashidxon Qodirxonov uni markaz qoshidagi «Yog'du» bolalar vokal guruhiga taklif etdi.

– Shahzodbek yosh bo'lishiga qaramay, «Yagonasan, muqaddas Vatan!» Respublika ko'rik-tanloving Toshkent viloyati bosqichida 2-darajali Diplom bilan taqdirlandi. Uning kelgusida o'z sozi, o'z ovozigacha ega, el suygan xonanda bo'lib yetishishiga umid qilamiz, – deydi Toshkent viloyati xalq ijodiyoti va madaniy-ma'rifiy ishlar ilmiy-metodik markazi rahbari o'rinbosari Olim Yahyoyev.

– Vatan, Ona mavzularida kuylashni xush ko'raman. Qo'shiqchilikning an'anaviy ijrochilik yo'nalishini tanlaganman. Kelajakda Komiljon Otaniyozov, Ma'murjon Uzoqov singari hofiz bo'lish orzuim, – deydi qahramonimiz.

Biz ham orzulari munavvar tonglardek beg'ubor Shahzodbekka katta sahnalar zavqini tilab qolamiz.

Muhabbat ABDOQODIROVA,
Toshkent viloyati, Angren shahri



Abramatning ziyoli bo'lishini orzu qilgandi. Uning orzulari ijobat bo'ldi.

– Mening hayotdagi eng katta ustozim otam bo'lganlar, – deya xotirlaydi Abramat muallim. – U kishi bizdan

Ustoz ko'zlariga yosh oldi. Elda: «Qari bilganni pari bilmas», degan maqol bor. Balki o'shanda Abrayqul bobo, agarda sen menga qo'chqor so'yib bersang ham, men qayta yosharmayman, mendan uzoqlashmay tur, demoqchi bo'lgandir. Yana kim bilsin?!

Inson umrini oqar suvga qiyoslashlari bejiz emas.

bobo uyimizga kelib, ukam Jabbor ikkimizdan sug'ur ovlab kelishni ittobon qilgandi. Onam boboning so'zlaridan taajublanib, amaki, hozir avgust oyining oxiri bo'lsa, sug'ur may, iyun oylarida bo'ladi. Ular allaqachon uyquga ketishgan, desalar ham bobo ko'zlariga yosh olib, to'ng'ichimning sog'ligi yomon, unga sug'ur yog'i davo emish, deya uyimizga idish tashlab ketgandi. Oqsoqolning so'zlarini yerda qoldirmaslik ilinjida ovga chiqdik. O'sha kuni ne ko'z bilan ko'raylikki, tog'ning kutilmagan joyida oldimidan sug'ur chiqdi. Biz uni otib, Abrayqul boboning idishini yog'ga to'ldirganimizni hanuz eslayman...

Biz Abramat muallim haqida gapirayotgandik, negadir so'zni uning otasiga ko'proq urg'u berishga sarflaganimizni zukko o'quvchi allaqachon ilg'ab olgan bo'lishi aniq. Zero, bizning barcha yaxshi fazilatlarimiz ot-onamizdan o'lgandir. Azaldan ustoz shogirdlik an'alarini davom ettirib kelayotgan xalqimizning bag'ri kengligi ham shundan. Shogirdlari kamolidan mamnun holda faoliyat yuritib kelayotgan Abramat Rajabov bu yil oltmish yoshni qarshilaydi. Biz ham ko'pming sonli gazetamiz o'quvchilari nomidan tinib-tinchimas ustozning ezgu ishlariga rivoj tilaymiz.

AXTAMQULI

Shotiro'dliklar ilmi odamni ardoqlab, uylarining to'riga o'tqazishadi.

Bizning bugungi qahramonimiz men bilan birga bir daraning suvini ichib, Xo'ja Piray tog' cho'qqisini tavof etib ulg'aygan, shotiro'dlik Abrayqul boboning suyuqli o'g'li Abramat muallimdir. Umrining eng zavqli onlarini kelajak avlod ta'lim-tarbiyasiga bag'ishlagan bu inson o'ttiz olti yillik mehnat faoliyatining qariyb o'ttiz yilini – Surxondaryo viloyati, Sariosiyo tumanidagi 36-umumta'lim maktabi jamoasida rahbarlik qilishga bag'ishladi.

Qarshi davlat pedagogika institutining rus tili va adabiyot fakultetida tahsil olib, ish faoliyatini oddiy muallimlikdan boshlagan Abramat Rajabovning yuzlab shogirdlari yurtimiz ravnaqi yo'lida xizmat qilayotir.

Iqtidorli shogirdlar tarbiyalagan uchun ustozga bildirilayotgan tashakkurnomalar esa samarali mehnati mukofotidir.

So'zimiz boshida tilga olganimiz ilimga ixlosi baland Abrayqul bobo o'g'li

USTOZ QUVONCHI

farzandlar ta'lim-tarbiyasiga jiddiy qarashimizni talab qilardi. Maktab direktoridan. Bir oyga malaka oshirish uchun poytaxtga yo'llanma oldim. So'ng, otamga ilmimni oshirishga borayotganimni aytib, duo so'radim. O'shanda otam to'qson yoshni qoralab qolgandi. Menga kulib:

– Bolam, bozordan bir yaxshi qo'chqor sotib olginda, menga so'yib ber. O'shanda o'qishga xotirjam borasan, ilming ham oshadi, – deya hazillashgan edilar. O'shanda negadir otamning so'zlariga tushunmay, duo olib shaharga jo'nadim. Oradan o'n besh kun o'tmay padari buzrukvorimiz olamdan o'tganlari haqida sovuq xabar eshitdim. So'nggi nafaslarida ularning yonlarida bo'lmaganim qattiq alam qildi...



Maktab o'quvchilari Respublika hamda xalqaro musobaqalar g'olibi bo'lishgan.

Oldingdan oqib ketayotgan suvning ham bir kun qadri bilinarkan. Xuddi kechagidek yodimda, Xizrsifat va nuroniy oqsoqolning atrofini o'rab, biz ham ko'plab pand-u nasihatlar eshitganmiz. Bir kuni Abrayqul

Ta'til taassurotlari

Maktabda o'tayotgan Yangi yil bayramida o'quvchilar Qorbobo va Qorqizni intiq kutishyapti. Ammo ulardan hamon darak yo'q. Chunki ularni yovuz Yalmog'iz kampir jodulab, yo'ldan adashtirgan. O'quvchilar sinfdoshlari Shahnoza va Bahodirmi Qorbobo, Qorqizni qidirishga yuborishadi. Nega aynan ularni, deysizmi? Chunki Shahnoza sinfda eng a'lochi qiz, bilimdon, matematikadan olimpiadada g'olib bo'lgan, ko'p ertak kitoblar o'qigan. Bahodir esa karate bo'yicha chempion bo'lgan. Bolalar Bahodirni Shahnozani himoya qilish uchun birga yuborishadi. Ular birgalikda juda ko'p sarguzashtlarni boshdan kechirishadi...



YANGI YIL SARGUZASHTLARI

O'zbek Milliy akademik drama teatri qoshida tashkil etilgan «Tasanno» bolalar teatr-studiyasi tomonidan shoir, dramaturg Usmon Azim qalamiga mansub «Yangi yil sarguzashtlari» spektakli namoyish etilyapti. Studiya rahbari,

O'zbekistonda xizmat ko'rsatgan artist Shohida Ismoilova hamda O'zbekiston xalq artisti Marat Azimov tomonidan sahnalashtirilgan bu spektakl bolalar tomonidan yaxshi kutib olindi. Biz Shohida opani bolalar davrasida ko'rganimizda, ularga havasimiz keldi.

– Studiyamiz tashkil etilganiga 3 yil bo'ldi, – deya gap boshladi Shohida opa. – Bolalar bilan bir qancha tomoshalar namoyish etdik. Studiyamizga qatnaydigan bolalarni 3 guruhga bo'lganmiz. Har bir guruhda 20 nafardan bola bor. Iste'dodli bolalarning maktabda fanlarni o'zlashtirishlariga ham e'tibor beramiz. Hozir jajji aktyorlarimizni teatrga, badiiy filmlar dublyajiga taklif qilishyapti.

– Men Sergeli tumanidagi 7-maktabning 7-sinfida o'qiyman, – deydi Shahnoza obrazini talqin qilayotgan Nodira Alijonova.

– Studiyaga qatnayotganimga 2 yil bo'ldi. Studiyamiz hamda Milliy akademik drama teatri tomonidan

aktyorlar bilan birga «Yig'lama, qiz» spektaklida Hojimurol rolini o'ynadim.

Spektaklda shaytoncha obrazini ijro etayotgan studiyaning eng yosh a'zosi Mubina Nazirboyevaning mahoratiga qoyil qoldik.

Shuningdek, spektaklda qatnashgan Odilxon Ahmadxonov, Kamoliddinxon Fozilxonov, Hojiakbar To'liqjonov kabi bolalarga «Bo'sh vaqtlaringizda yana nimalar bilan shug'ullanasiz?» deya murojaat qilganimizda, bir ovozdan: «Kitob o'qiyamiz», degan javobni oldik. Chunki turli obrazlar yaratishlarida kitob ularga yaqin ko'makdosh ekan.

Shahnoza va Bahodirning sarguzashtlari qanday yakun topishini bilishni istasangiz, ta'til kunlaringizda Milliy akademik drama teatriga tashrif buyuring. Siz ham «Tasanno» teatr studiyasi a'zolarining mahoratiga qoyil qolishingiz tayin.

LAYLO.

Suratlar muallifi: Z.NISHONOVA



namoyish etiladigan «O'zbekcha raqs», «Yig'lama qiz» spektakllarida ham turli obrazlarni talqin etishga harakat qilyapman.

– Men bu spektaklda Bahodir obrazini yaratdim, – deydi Sergeli tumanidagi 300-maktabning 5-sinf o'quvchisi Shahzod Hikmatullayev. – Katta sahnada To'ti Yusupova, Nigina Anorboyeva singari tajribali



Zikrilla NE'MAT

VATAN ALIFBOSI

A

«Avesto»ni o'qib, kuch oldim
Ajdodlarning qalb sadosidan.
Aziz Vatan, men uchun o'zing
Abadiyat alifbosisan.

B

Bag'ringda bog'-bo'ston yaratib,
Baxting asrab yashash – shiorim.
Bu olamda yashna to abad,
Bor bo'l, aziz ona diyorum!

D

Dilimdagi sajdagohimsan,
Dilbar yurtim, hur o'lkam meni...
Dur-gavhardan azizrog'imsan,
Dunyolarga alishmam seni!

E

Erkin diyorum, baxt o'lkasisan,
Ey, sen aziz jannatmakonim.
Ezguliklar malikasisan –
Erk qo'rg'oni – O'zbekistonim.

F

Faslarning belanchagida
Fayzing bo'lak, chiroying bo'lak.
Farog'at ne, orom ne bilmay,
Faqat sen deb yongaydir yurak.

G

Gullarga kon qadim makonim,
Gavhari dil, gavhari jonim.
Gar timsoling topa olmasam,
Gunohimdan o't, onajonim!

H

Hayron boqib oy jamolingga,
Hayratda lol termular dunyo.
Husn qo'shib oqar bag'ringda
Hayqirgancha ikki sho'x daryo.

I

Intilganga tole yor, derlar,
Intilganim o'zingsan, Vatan.
Ishiq bilan yasharman bedor,
Ishon, ko'rar ko'zimsan, Vatan!

J

Jilg'alaring oqar jimirlab,
Jamalaksoch mavjilarni quchib.
Jayhun yurtini kezar shovullab,
Jambil, rayhon bo'ylarin sochib.

K

Kimdir jondan sevib diyorum,
Kerak bo'lsa, baxsh etgay jonim.
Ko'r ilondek g'aflatda o'tar,
Kimki xilvat tutsa makonin.

L

Lolazorlar ichra kezib shod,
Lol boqurman olamga bu on.
Loaqal bitta lolang bo'lolsam,
Lolazorim – jon O'zbekiston!

M

Majnunotlar soyasida men,
Maftun-u lol boqgum husningga.
Mangu porloq quyoshim o'zing –
Mehrini sochgan aziz umrimga.

N

Najmiddin Kubrodan o'rgandim,
Nomus-u or, mardlik shiddatin.
Ne tongki, u etdi naq chaqin,
Nomard yovga bo'lgan nafratin.

O

Oftob yurti, ko'ksi osmonim,
Og'ushingda baxtliman har choq.
Olam aro tengsiz bo'stonim,
O, ona yurt, o, aziz tuproq!

P

Paykalingda marjondir go'yo,
Paxta, bug'doy atalmish durlar.
Peshonasi yorug', mard xalqim,
Porloq erur ertangi kunlar.

Q

Qaldirg'ochlar charx urgay ko'kda,
Qarab, ko'zim quvnaydi takror.
Qizg'aldoqlar ochilgan qirdan
Qalbim zavq-shavq olur har bahor.

R

Rayhonlaring, o, xushbo'y biram,
Rizvon bog'im, go'zal bo'stonim.
Rozidirman, sen deb jon bersam,
Rayhon bo'yli O'zbekistonim!

S

Siyovushdan meros qo'rg'onim,
Sarhadlaring tinch, omon bo'lgay.
Sohibqiron sha'niday shonim,
Salobating dilga o't solgay.

T

Tog'larning cho'qqisi har dam,
Tutib turar tiniq osmonni.
To o'lguncha dunyo kezsam ham,
Topolmasman sendek makonni.

U

Ulkan daryo, tog'laring bisyor,
Uzumzor-u bog'laring bordir.
Umri senda o'tgan har inson,
Umrubod shod va baxtiyordir.

V

Vodiyalar-u vohalar kezdim,
Voqif etdi ko'p sirdan sahrong.
Va qalbimda mehning his etdim,
Vatan, sensan olamda tanhom!

X

Xushxabarlar olib esdi yel,
Xalqim ulkan zafarlar quchmish.
Xayr, shahar, salom, dehqon, el,
Xayollarim siz tomon uchmish.

Y

Yulduzlarga termulib har tun,
Yurtim, sendan ilhom olurman.
Yulduz yanglig' uchsam-da bir kun,
Yuraklarda mangu qolurman.

Z

Zarafshonning bo'ylarin kezib,
Zilol suving ko'zlarg'a surtdim.
Zarafshonning zar kokillari
Zar tuprog'ing eslatar yurtim.

O'

O'zbekiston – ona diyorum,
O'rgilayin aziz otingdan.
O'rik gulini sochgan bahorim,
O'par quyosh guldek totingdan.

G'

G'afur G'ulom yashagan yurtda,
G'ururlanib yashamoq baxtdir.
G'ir-g'ir esgan sabolaring ham,
G'azalda eng go'zal shohbaytdir.

Sh

Sho'x shabbodang esganda g'ir-g'ir,
Shodon sezgum men-da o'zimni.
Shitir-shitir yoqanda yomg'ir,
Shabnamlarga chaygum yuzimni.

Ch

Chuchmoma-yu chechaklar sochib,
Chor-atrofini bezatmish ko'klam.
Chappar urgan bog'laring kezib,
Chiroyingdan to'yamasan, o'lkam!

Tutuq belgisi

Agar so'zda menga duch kelsang,
O't shu joyda biroz tutilib.
Nomim tutuq belgisi derlar,
Ketolmassan mendan qutulib.

S.FARMONOV chizgan rasm



MARD O'G'LONLAR ORZUSI

Ta'tilda qishlog'iga kelgan Xudoyberdiga mahalla bolalarining juda hayasi keldi. Bolakaylardan biri uning harbiy kiyimini ko'zdan kechirsa, ikkinchisi tinmay savolga tutardi. To'g'ri-da, axir Toshkentdagi nufuzli harbiy ta'lim maskanida o'qishni qaysi o'g'il bola istamaydi, deysiz?!



bellashamiz. Dam olish kunlari muzey va teatrlarga sayohat uyushtiramiz. Bu yerdagi tartib-qoidalarga rioya qilish, uning intizomli o'quvchisiga aylanish anchagina mehnat, matonatni talab qiladi. Buning uchun jismoniy tay-yorgarlikka, shuningdek, matematika, fizika, tarix, ona tili fanlaridan chuqur bilim egasi bo'lish lozim. Men bugun orzuimga yetishganimdan baxtiyorman...

Ana shunday havas qilsa arzigulik 450 ga yaqin tengdoshlaringiz ushbu ta'lim maskanida tahsil olayotgan bo'lib, ularning jismonan baquvvat, mard va jasur hamda bilimli, dunyoqarashi keng avlod sifatida kamol topishlari uchun barcha sharoitlar yaratilgan. Ikkita kompyuter, bitta kompyuterlashtirilgan lingafon xona, elektron tir xonasi, 14000 ga yaqin o'quv va badiiy adabiyotlar saqlanayotgan Axborot-resurs markazi o'quvchilar ixtiyorida. Qanchadan qancha bo'lajak yurt posbonlarini tayyorlab berayotgan o'quv dargohida malakali, oliy ma'lumotli ustozlar qo'lida kamol topayotgan o'g'lonlar Vatanga munosib farzand, posbon bo'lmoq niyatida ekanlar, bayram arafasida ularga ana shu orzulari ijobatini tiladik.

Aziz o'g'lon! Siz-chi, Vatani, ona, mahalla, oila kabi muqaddas qo'rgonlarimiz tinchligi haqida o'ylaganingizda, o'z oldingizga qanday maqsadlar qo'yasiz? Axir Vatanni sevmoq, himoya qilmoq har birimizning muqaddas burchimiz, sharafli vazifamizdir.

Sayyora QODIROVA

Hikoyamiz qahramoni teng-doshingiz Xudoyberdi Qodirov asli qashqadaryolik. Hozirda Toshkent harbiy telekommunikatsiya yo'nalishidagi akademik litseyda tahsil olmoqda. Mazkur litsey aniq fanlarga yo'naltirilgan bo'lib, o'quvchilar uchun o'n to'rtta fan va oltita sport, jumladan, Amir Temur avlodlari, qo'l jangi, nishonga aniq otish, yengil atletika, shaxmat-shaxka to'garaklari tashkil etilgan. Qo'l jangi to'garagining eng faol a'zosi bo'lgan Xudoyberdi 1-bosqich o'quvchisi bo'lishiga qaramay, yaqinda o'tkazilgan qo'l jangi bo'yicha xotira turnirida 60 kg. vazn toifasida g'oliblikka erishdi. Va shu

yili Avstraliyada o'tkaziladigan qo'l jangi bo'yicha nufuzli musobaqada ishtirok etish uchun yo'llanmani qo'lga kiritdi. Faol va a'lochi o'quvchilardan yana biri 3-bosqich o'quvchisi Zafar Qo'ziboyev esa bu yilgi fan olimpiadasida ona tili va adabiyot fani bo'yicha ishtirok etib, shahar bosqichiga yo'llanma oldi. Zafar ancha tirishqoq yigitlardan chog'i, biz bilan suhbatga kirishib, litsey haqida quyidagilarni so'zlab berdi:

– Litseyimizda haftaning bir kuni sport kuni deb belgilangan. Ushbu kun harbiy mashg'ulotlar bilan shug'ullanib, saf qo'shiqlaridan kuylaymiz. Turli musobaqalarda

ASKAR BO'LAMAN

Bobomlar polvon o'tgan,
«Sen mendek bo'l»,
deb aytgan!

Men hozircha bolaman...
Polvon askar bo'laman!

O'qishlarim doim besh,
Sport, kurash menga esh.
Men hozircha bolaman...
Polvon askar bo'laman!

Sog'liq bo'lar mustahkam,
Belni bog'ladim mahkam.
Men hozircha bolaman,
Polvon askar bo'laman!

Posbon bo'lish orzuim,
O'sib bormoqda bo'yim.
Men hozircha bolaman...
Bir kun askar bo'laman!

Orzu qilsam, aybi yo'q,
Maqsadlarim mag'zi to'q!..
Men hozircha bolaman,
Bir kun askar bo'laman...

...Niyat ezgu bo'lsa gar,
Aql-idrok tez o'sar.
Hozircha bo'z bolasan,
Polvon askar bo'lasan!


Bahrom TOJIYEV



BUGUNNING BOLASI

Rahmatilla Muhsimov poytaxtimizdagi 111-maktabning 9-sinfida tahsil oladi. Darsdan bo'sh paytlarida Olmazor tumanida joylashgan Bolalar va o'smirlar ijodiyot markazi qoshidagi radio-elektronika to'garagiga qatnaydi. To'garak rahbari Tuyg'un Ashurov 16 yillik ish faoliyati davomida yuzdan ziyod bolalarga kasb-hunar sirlarini o'rgatib kelmoqda. Ushbu markazda rus, ingliz tillari, rassomchilik, liboslar dizaynerligi, to'quvchilik hamda kompyuter savodxonligi yo'nalishlari bo'yicha ham tajribali mutaxassislar yoshlarga hunar o'rgatmoqdalar.

Rahmatilla serg'ayrat, bilimga intiluvchan bola. Barcha bolalar singari u ham futbolga qiziqadi. Sport sog'liq garovi ekanligini yaxshi bilgani uchun ham sportning futbol turi bilan muntazam



shug'ullanib keladi.

– Men kelajakda harbiy bo'lishni niyat qilganman. O'zbekiston Respublikasi Qurolli Kuchlari safida xizmat qilib, yurtimiz sarhadlari, xalqimiz tinchligini qo'riqlash – eng oliy maqsadim. Bu sohani egallash uchun esa baquvvat bilaklar, shaxdam qadamlarga ega bo'lishim kerak, – deydi u.

Yurtimiz posbonlarining bilimli, yuksak salohiyatli bo'lishlari lozimligini ham yaxshi bilgan Rahmatilla ma'naviyatini yanada boyitish maqsadida «Tong yulduzi» gazetasiga 2013-yil uchun ham obuna bo'libdi. Gazetamiz uning kamoloti yo'lida xizmat qiladi, degan umiddamiz.

Zuhra NISHONOVA

ANTIQA MEVALI SALAT



Bolajonlar, mevalarning salomatligimizda ahamiyati kattaligini yaxshi bilasiz.

Sizga bugun mevali salatni tavsiya qilamiz.

Ananas, banan, kivi, apelsin, olma... qanday meva bo'lishining ahamiyati yo'q. Muhimi, bu salat me'dadagi ovqat qoldiqlarini tozalab, oshqozonni ortiqcha zo'riqishdan xalos etadi.

Tayyorlanishi: Mavjud mevalarning barchasini o'rtacha to'rtburchak shaklida to'g'raysiz. Kattaroq idishga solib, ustidan biroz shakar sepib, smetana yoki qaymoq quyib, ehtiyotkorlik bilan aralashirasiz. Likopchalarga solayotganingizda, salatni ta'bingizga ko'ra bezatishingiz mumkin.

Yoqimli ishtaha!

NARGIZA tayyorladi

Ingliz tilini o'rganamiz

Aziz o'quvchilar!

O'tgan darslarimizda olmoshlarni o'rgangan edik.

Bu galgi mashg'ulotimizda esa fe'llar, ularning shaxs va sonlarda tuslanishini o'rganamiz.

The Verb «to have», «to have got» – Ega bo'lmoq

Bu fe'ning tuslanishi

Singular Form:

- I p. I have a pen.
- II p. You have a pen.
- III p. He She } has a pen.
- It



Plural Form:

- We have pens.
- You have pens.
- They have pens.



Question Form:

Singular:

- I. Have I a pen? Yes, I have. No, I have not
- II. Have you a pen? Yes, you have. No, you haven't
- III. Has he a pen? Yes, he has. No, he hasn't
- Has she a pen? Yes, she has. No, she hasn't
- Has it a tail? Yes, it has. No, it hasn't

Plural:

- I. Have we pens? Yes, we have. No, we haven't
- II. Have you pens? Yes, you have. No, you haven't
- III. Have they pens? Yes, they have. No, they haven't

Exercise one.

«Have», «Has» fe'llarini nuqtalar o'rniga qo'yib, mashqni bajaring:

I a telephone.

He a balloon.

We friends.

Merry an umbrella.

She a radio.

They a sister.

Nargiza a brother.

Olim a horse.



Exercise two.

Quyidagi gaplarni so'roq formada bering va javobini yozing:

- Ann has a pencil.
- They have bicycles.
- She has a cat.
- He has a car.
- John has a balloon.
- You have an umbrella.
- I have a friend.
- Bob has a rabbit.

Risolat ISMOILOVA

Chaynkrossvord so'zlari anogrammalardan tuzilgan. Anogramma biror so'zning harflar o'rnini almashtirib (begona harf qo'shmasdan), yangi mustaqil so'z hosil qilish demakdir. Masalan, ilm - mil - lim va hokazo.



1. Terimchi.
2. Shoir.
3. Roman.
4. Qulun.
5. Nomli.
6. Andisha.
7. Arosat.
8. Qator.
9. Raqam.
10. Kalima.
11. Nahor.
12. Hunar.
13. Nozim.
14. Kumush.
15. Kurak.
16. Nima.
17. Tanho.

Anvar MIRZAZODA tuzdi

KROSSVORD – AQL CHIROG'I

Topishmoqlar tarixiga bir nazar solsak, boshqotirmalar podshosi – Krossvord bo'lib qolmoqda. KROSS+WORD – kesilgan so'zlar 1913-yilda ingliz Viktor Orvell tomonidan kashf etilgan.

Bu yil – krossvord 100 yillik to'yini nishonlamoqda. Bu so'z topish o'yini diyorumizga 60-yillarda kirib kelgan. Bu orada krossvord zamirida skanvord, chaynvordning yaponcha, estoncha, inglizcha, italyanacha, ruscha, o'zbekchalari paydo bo'ldi. Hatto ko'plab krossvord gazeta-jurnallari ham o'z muxlislarini quvontirmoqda.

Krossvordchilarni qo'shaloq bayramlari bilan tabriklaymiz, ijodlariga baraka tilaymiz!

Gazetaning o'tgan 52-sonida berilgan «ARCHA» DIAGONAL KROSSVORDning javoblari:

Diagonal bo'yicha:

- | | | | | | |
|--------------|-------------|----------------|---------------|--------------|--------------|
| 1. Mushak. | 6. Soat. | 11. Sobirov. | 16. Saylqor. | 21. May. | 26. Cho'pon. |
| 2. Muchal. | 7. Qorqiz. | 12. «Tanovar». | 17. Dorboz. | 22. Tun. | 27. Cho'pon. |
| 3. Taymazov. | 8. Turmush. | 13. Qish. | 18. Hordiq. | 23. Rasulov. | 28. Shanba. |
| 4. Marmelad. | 9. Niqob. | 14. Qor. | 19. Qarag'ay. | 24. Kolumbo. | 29. Parvoz. |
| 5. Sharq. | 10. Kurash. | 15. Bolalik. | 20. Armug'on. | 25. Kuz. | 30. Non. |

7-yanvar 2013



Bosh muharrir:
Feruza JALILOVA

Tahrir Hay'ati:
Bahodir G'ANIYEV,
Svetlana INOMOVA,
Jahongir MUSAYEV,
Murtazo SULTONOV,
Zoir TURSUNBOYEV,
Sa'dullo TURSINOV
(Bosh muharrir o'rinosari),
Feruza ADILOVA
(mas'ul kotib),
Zikrilla TESHABOYEV,
Quroqboy ERGASHEV,
Sobitxon TURGUNOV

Navbatchi:
Yusuf
ABDULLAYEV
Rassom:
Feruza
MATYOQUBOV
Dizayner:
Shaxobiddin
MAXMADIYEV
Musahhih:
Nargiza
ABDULLAYEVA

Manzillimiz:
Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail:
tong1924@bk.ru
www.tongyulduzi.uz

Tel: 244-63-08
Tel./faks:
(99871) 244-38-10

«O'zbekiston»
NMIUda chop etildi.
Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.

Haftaning dushanba kuni
chiqadi. Shakli A-3,
2 bosma taboq.
ISSN 2010-6092
Adadi - 85939
Buyurtma N: J 6126

Muassislar:

O'zbekiston Matbuoti va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati Markaziy
Kengashi,
«SOG'LOM AVLOD UCHUN» hukumatga
qarashli bo'lmagan Xalqaro xayriya jamg'armasi.

Gazeta O'zbekiston Matbuot
va axborot agentligida
0208-raqam bilan 2007-yil
2-fevralda ro'yxatdan o'tgan.